

Maladi Streptokòk Gwoup A

Kisa yon maladi streptokòk gwoup A (streptokòk gwoup A) ye?

Streptococcus gwoup A (estreptokòk gwoup A) se yon tip bakteri (mikwòb) ou ka jwenn nan nen ak gòj ak sou po. Bakteri sa yo kapab prezan epi pa lakoz okenn maladi, oswa yo ka enfekte diferan pati nan kò a epi lakoz maladi ki ka klase soti lejè rive jiska grav. Enfeksyon ki pi komen ke streptokòk gwoup A lakoz se enfeksyon anjin streptokòk ak enfeksyon nan po, tankou impetigo. Maladi a ka vin grav lè bakteri a anvayi pati entèn yo nan kò a, tankou sikilasyon san, ki rele maladi streptokòk gwoup A anvayisan. Nan Vijini, yo deklare apeprè 200 ka nan maladi streptokòk gwoup A a chak ane.

Kilès ki trape maladi streptokòk gwoup A?

Tout moun ka trape enfeksyon streptokòk gwoup A. Anjin streptokòk la patikilyèman komen lakay timoun yo. Kèk moun ki antre an kontak ak bakteri a pral devlope maladi streptokòk gwoup A. Byenke moun ki an sante yo ka trape maladi streptokòk gwoup A, moun ki gen maladi kwonik tankou kansè, dyabèt, ak maladi kè oswa maladi nan poumon yo, ak moun k ap pran medikaman tankou estewoyid yo genyen plis risk. Moun ki gen lezyon nan po (tankou ti grafiyen, varisèl, ak blesi chirijikal yo), moun ki gen 65 lane oswa plis yo, ak adilt ki gen yon antedesadan pou abi alkòl oswa konsomasyon dwòg pa enjeksyon yo genyen plis risk tou pou fè maladi streptokòk gwoup A anvayisan an.

Kijan bakteri streptokòk gwoup A pwopaje?

Bakteri streptokòk gwoup A pwopaje pa kontak dirèk avèk likid nan kò a, tankou sekresyon ki sòti nan nen ak nan gòj oswa pij blese ki sòti nan yon moun ki enfekte. Kontak okazyonèl (tankou nan travay ak lekòl) ak atik ki nan kay yo (tankou jwèt) raman jwe yon wòl nan pwopaje bakteri a. Risk pou pwopaje streptokòk gwoup A pi wo lè yon moun malad; moun ki pote bakteri a men ki pa gen okenn sentòm yo vrèman mwens kontajye. Moun ki enfekte yo pa kontajye ankò aprè yo te trete yo avèk yon antibiotik ki apwopriye pandan omwen 24 èdtan; sepandan, li enpòtan pou pran tout antibiotik yo jan yo preskri a.

Ki sentòm maladi streptokòk gwoup A?

Streptokòk gwoup A kapab pa lakòz okenn maladi ditou, ti maladi (anjin streptokòk oswa yon enfeksyon nan po tankou impetigo) oswa maladi grav (fasit newozant oswa sendwòm chòk toksik streptokòk). Fasit nekwozant (ki pafwa dekri kòm "bakteri kanivò") detwi misk, grès, ak tisi po. Sendwòl chòk toksik streptokòk (STSS), lakoz tansyon an desann vit anpil epi lakòz defayans ògàn yo (e.g., ren, fwa, poumon yo). STSS pa menm ak "sendwòm chòk toksik" pafwa ki asosye ak itilizasyon tanpon.

Nan konbyen tan aprè ekspozisyon an sentòm yo parèt?

Sentwòm maladi streptokòk gwoup A parèt nan lespas 1–3 jou aprè ekspozisyon ak bakteri a.

Kijan yo dyagnostike enfeksyon streptokòk gwoup A?

Yo dyagnostike enfeksyon streptokòk gwoup A avèk tès laboratwa ki konfime ke bakteri a prezan nan prelèvman yo pran nan sit enfeksyon an (tankou, gòj, blese, san). Genyen tès rapid tou pou idantifye anjin streptokòk la tou.

Ki tretman ki genyen pou enfeksyon streptokòk gwoup A oswa maladi anvayisan an?

Yo ka trete enfeksyon streptokòk gwoup A avèk antibiotik. Anplis, tretman nan yon inite swen entansif epi pafwa chiriji yo souvan nesesè pou maladi anvayisan. Tretman bonè kapab redwi risk pou lanmò, men li pa toujou posib pou anpeche lanmò nan tout ka.

Èske yo ta dwe fè tès ak tretman pou kontak moun ki gen maladi streptokòk gwoup A?

Pa gen okenn prèv ki di ke kontak okazyonèl, tankou kòlèg travay oswa kamarad lekòl ak kamarad gadri yo arisk pou devlope maladi streptokòk gwoup A aprè yo te fin fè kontak avèk yon moun ki gen yon maladi streptokòk gwoup A anvayisan an. Kontak nan fwaye yo te raman devlope maladi grav. Depatman sante lokal yo evalye fwaye yo lè yo deklare maladi streptokòk gwoup A; yo kapab rekòmande antibiotik pou moun nan fwaye kote yon moun gen yon kondisyon ki mete yo arisk pou fè yon maladi streptokòk gwoup A. Moun ki te an kontak ak yon moun ki fè maladi streptokòk gwoup A ta dwe chèche swen medikal si yo devlope sentòm ki sanble ak maladi a.

Kijan nou ka prevni enfeksyon streptokòk gwoup A?

Nou ka redwi pwopagasyon streptokòk gwoup A lè nou byen lave men nou, sitou aprè nou fin touse ak estènen, anvan ak aprè nou fin pran swen yon moun ki malad, ak anvan nou prepare manje ak anvan nou manje. Moun ki fè enfeksyon streptokòk gwoup A ta dwe rete lakay yo lè yo soti nan travay, lekòl, oswa nan gadri jiskaske yo fin pran antibiotik yo pandan omwen 24 èdtan. Tout blesi yo ta dwe rete pwòp epi siveye siy enfeksyon (tankou, woujè, anflamasyon, doulè, pij). Si yon blese sanble enfekte, sitou lakay yon moun ki gen lafyèv tou, fè konsiltasyon avèk yon pwofesyonèl swen sante touswit.

Kijan m ka jwenn plis enfòmasyon sou maladi streptokòk gwoup A?

- Si ou gen enkyetid sou maladi streptokòk gwoup A, kontakte founisè swen sante ou an.
- Rele depatman sante lokal ou an. Yon anyè depatman sante lokal yo disponib nan <http://www.vdh.virginia.gov/local-health-districts/>.
- Vizite sit entènèt Sant pou Kontwòl ak Prevansyon Maladi a nan <https://www.cdc.gov/groupastrep/index.html>.

Septanm 2018